


Sel Prestuhn Henry B. Eyring

Mwet in Kahsrh Se Met
ke Prestuhnsi Se Met



Sie Finsrak ke Luhngse Sucu Ma pahtpaht

Ke mwe sang nuh kwewa Pahpah luhngse tuhmasr Inkuhsrao El sang nuh sin tuhlihk Nahtuhl, ma wolacna emet sac pa moul ma pahtpaht (liye D&C 14:7). Mwe sang se inge pa in moul yurin God Pahpah ac Wen Sacohklacna Nahtuhl ma pahtpaht ke sucu. Muhkwe-na ke acn fuhlwact emet ke tohkohsrahi luhn God, celestial, fah wuhlwelah ke moul in sucu fah kalweniyuck.

Kuht nuh kwewa finsrak nuh ke engan se ma in moul wi sucu luhngselacna lasr. Nuh sin kuhtuh sesr, pa puhla se ma kuht tiac puhlakihn—sie puhla ma kuht etuh muh fihswacsr tuh soenna arulacna kahlwem. Sahp kuht liye ke moul luhn mwet sahyac uh. Nuh sin kuhtuh sesr, luhngse luhn sucu oacna in yohk na pwacye ac sacohk ke pacl se misac uh srikuhtlac liki sie tuhlihk, sie ninac, sie pahpah, sie tamuhlwel, sie tahmtahel, kuh sie pahpah mahtuh ac ninac mahtuh sacohklacna.

Kuht nuh kwewa puhla finsrak lah sie pacl kuht kuh in sifil puhla luhngse wolacna ke mempucr luhn sucu se kuht luhngse na pwacye uh ac ingena ngalkihn in sifil sruokyac.

Pahpah luhngse tuhmasr Inkuhsrao El etuh insiyacsr. Srihpac Lal pa in use nuh sesr engan (liye 2 Nephi 2:25). Ac oruh El use mwe sang ke Wen Nahtuhl in oruh in fihswacsr engan se ke tuhkweni luhn sucu suc ac fah-fahlac ne tok ma pahtpaht. Ke srihpen Mwet Lahngo El kuhnahoslah mwe kapihr luhn misac, kuht fah sifil moul-yak. Ke srihpen El iwaclah ke ma koluk lasr, kuht kuh, ke luhlhlafongi lasr ac auliyak, ahknwacsnwacyeyucklac in utyak nuh ke tohkohsrahi celestial, acn ma sucu uh tuh-kweni ke luhngse nuh tok ma pahtpaht.

Mwet Lahngo El suhpwacclah Mwet Pahluh Elijah nuh yohrohl Joseph Smith in fohlohkohnwack ki luhn pristut (liye D&C 110). Ki ingacn tuhkuh ke kuh in sil uh, sang mwe sang wolacna emet luhn God nuh sin tuhlihk Nahtuhl—moul ma pahtpaht ke tuhkweni luhn sucu uh ma ne tok ma pahtpaht.

Pa sie mwe sang ma kwewana tuhlihk nuhtin God suc tuhkuh nuh facluh uh kuh in eis. Ahktolu ke tuhlihk nguhn Nahtuhl lahfwekihn mwe sang Lal nuh ke facl luhn nguhn. Srihklaciyacn luhlhlafongi ac na ikacslah in kahsrweyuck, elos sulacclah in tiac etuh ke engan ke mwe sang ke sucu ma pahtpaht luhn Pahpah Inkuhsrao.

Nuh sin kuhtuh sesr suc pahswelah mwe srihke upac ke moul se met ke facl luhn nguhn ah ac ahkolah in eis mwe sang ke moul in mahno, sie sulacclah wolacna ke moul ma pahtpaht uh srwackna ma lasr in oraclah. Fin kuht insewowo in konwacack wosasuc fohlohkihn-yuckyak uh, kuht kuh in sulacclah in oruh ac liyacacng wuhlweacng yurin God ma ahkoekuhtlac nuh ke moul ma pahtpaht. Ke kuh kuhtanglah in luhlhlafongi, Nguhn Muhtahl fah ahkkahlwemye finsrak lasr ac puhla wo se ma kuht fahsr ke inkacnek luhn moul ma pahtpaht, in muhta yurin sucu ma pahtpaht ke tohkohsrahi luhn celestial.

Nuh sin kuhtuh, engan sahflah sacn fah oacna sie ma te kahlwem kuh finne in sie finsrak srihksrihkweni. Pahpah ninac, tuhlihk, tamuhlwel, ac tahmtahel uh sah p orwacclah sulacclah suc ma ac kuh in tiac ahkoeloslac nuh ke moul pahtpaht. Sahp kom ac kuh in nuhkuh fin kom ahkfalye-lah nuh ke Iwaclah luhn Jisus Kraist.

Sie mwet pahluh luhn God sie pacl ah use nuh sihk sie kahsrüh ma use nuh sihk mihs lac. Nga elyah ke sulac lah luhn mwet sahyac uh ma ac fah oruh in upac nuh sin sucu lasr in tuhkweni ma pahtpaht. El fahk, “Kom elyahkihn mwe elyah wacngihn srihpac. Kom ahkolah in nwacs-nwacs nuh ke tohkohsrahi luhn celestial, ac tahklac luhn sucu fah yohk wolacna la ke kom ac kuh in nuhnkuh kac.”

Nuh suwos kwewa suc puhlakihn ohiyac la sifacna kuh suc pahyuck la ac tuhlihk nahtuh—kuh wacngihn la uh—sang sie akucl tiac kahlwem nuh ke finsrak lalos, nga usot mwe lohoh luhk: Pahpah Lucng El etuh ac luhngse kowos oacna tuhlihk nguhn Nahtuhl. Ke kom muhta Yohrohl ac Wen Sacohk Nahtuhl met liki moul se inge, Elos fihliyac ke insiyom finsrak se tuh kom fah eis moul ma pahtpaht. Ke kuh in Iwac lah luhn Jisus Kraist orekma ac wi kolyuck luhn Nguhn Muhtahl uh, kowos kuh in puhla ingena ac fah puhla ke facluh se fahsrüh uh tuhkuh luhngse luhn sucu Pahpah tomowos ac Wen Sacohk Nahtuhl kena pwacye nuh suwos in eis.

Nga fahkwack lah ke kowos moul nwacsnwacs ke tohkohsrahi luhn celestial, mwe palye uh olwelah lah “tahklac luhn sucu uh fah sie ma wolacna kom ac kuh in nuhnkuh kac” fah ma lowos.

LUTI KE PWENG SE INGE

Muhtwacwacack nuhnkuh ke fahkwelihk nuh selos kom luti an in kihtin pacl ke pacl se kom sruikihn ke finsrak luhn moul ma pahtpaht. Solwaclos in nuhnkuh ke kihtin pacl ke pacl se kom puhla tarilacna luhn sucu ma pahtpaht uh. Siyuck selos fin elos luhngse akacsruhi. Kom kuh in solwaclos in nuhnkuh ke innek in ahkwoyela ac moul nwacsnwacs yohk likina met ke tohkohsrahi luhn celestial tuh mwe palye ke wuhlwelah ke “tuhkweni luhn sucu . . . yohk likina ma wolacna kom kuh in nuhnkuh kac” kuh pac in ma lalos.

MWET FUHSR

Akacsruhi ke Engan Ma Pahtpaht

Sie ma yohk emet ke wosasuc uh pa etwacack ke splwacn in molwelah uh. Oasr lasr pacl wowo wolacna uh in tuhkweni yurin sucu lasr ma pahtpaht. Etwacack se ingacn kahsrwe kuht in eis finsrak oacna sie pacl kuht

puhla kuhtangyucklac ke facluh. Prestuhn Eyring el luti, “Pahpah tuhmasr Inkuhsrao El etuh insiyacsr. Srihpac Lal uh pa in use engan nuh sesr (liye 2 Nephi 2:25). Na oruh El use mwe sang ke Wen Nahtuhl in kuh in ahkfahsryela engan ke tuhkweni luhn sucu ma kalweniyuck ma pahtpaht. . . . Pa sie mwe sang ma kwewa tuhlihk nuhtin God suc tuhkuh nuh fin facluh uh kuh in eis.”

Mwe insewowo se ingacn utuckuh nuh sesr suc moul ingena ac nuh selos suc misac tari—tuhsruhk ke kahsrüh lasr. Mwet somlah lasr uh oasr ke facluh luhn nguhn ingena, tuhpan kuht in ahkolah inelos nuh ke akwuck luhn tempuhl uh in oreklac kaclos. Tuhsruhk kuhtuh pacl uh kuh in upac in oruh orekma nuh selos uh. Sahp kuht ac kahfofo na upac, kuh kuht ac muhta loeslac nuh ke tempuhl in fahsri na.

Wo ohiyac, oasr inkacnek sahyac ma kuht kuh in kahsrüh mwet somlah lasr uh, kain nuh ke orekma ke sramsram mahtuh luhn sucu, karihngihn, kuh liyacacng tuhlihk nuhtin pahpah ninac tuhmasr ke elos som nuh tempuhl uh. Ke kahsrüh, kuht kuhlwacnupuh Leum ac use finsrak se luhn sucu ma pahtpaht nuh selos suc oasr ke lihsrihsr se sahyac ah.

TUHLIHK SRIHSRIHK

Sucu uh Ma Net Tok Ma Pahtpaht

Ke srihpen Iwac lah luhn Jisus Kraist ac fohlohkihnuyck-yak luhn ki luhn pristut uh, kuht kuh in moul yurin sucu lasr ne tok ma pahtpaht uh! Meac kom luhngse ke sucu lowos uh? Ukwe mwe ahkuhtweyac inge in oraclah pwepuh sein soko inge in ahkfuhlwactye sucu lowos an.

1. Orwacni ipin pwepuh se inge nuh ke tahfuh luo in oasr ip loes sefanna sum.
2. Sruhlwac lah sie mwet ah ma pahol ac sun muhtuhn pwepuh se kom orwacni ingacn.
3. Suhpuhklah mwet se ingacn nuh sahyac. Nimet suhpuhklah acn se ma pahol apkuhran nuh ke muhta an.
4. Ikucslah. Suhmuhsrah kuh sruhlwac lah kuhtuh ma kom luhngse ke kais sie mempucr ke sucu an.
5. Tepiyac kuhpahsr puhkantwen nuh sie fin oasr sucu luhlahp lowos!



Tuhfahlah Tuhkweni luhn Sucu

Luhlahlfongi, Sucu, Kahsruh

Pruhe in luthutkihñ kuhfa inge ac suk in etuh ma in akacsruhi kac. In kahlwem ke “Sucu: Sie Mwe Fahkwack nuh fin Facluh” ac ahkyohkye fuhkah luhlahlfongi lom ke God ac ahkinsewowe muwet kom karihngihn ke forfor luti uh? Nuh ke kuhtuh pac ma in etuh, som nuh ke relief society.lds.org.

Sie “Mukul ac muhtwacn pahyuck Oasr kunohkohn muhtahl lalos in luhngse ac karihngihn sie sin sie ac tuhlihñ nahtuhlos.”¹ “Lohm se pa in acn in orekma ke luhngse ac kuhlwacnsap luhn God,” fwackyuck sel Prestuhn Russell M. Nelson, Prestuhn ke U in Mwet Kuhlwacnsap Singucul Luo.

“Pahpah tuhmasr Inkuhsrao El kena mukul tuhma ac muhtwacn kiyac uh in nwacsnwacs nuh sin sie sin sie ac in sifacna ac oruh tuhlihñ nahtuhlos in oacna mwe sang sac-ohk se sin Leum.”²

Ke Puk Luhn Mormon, Jacob el fahk lah luhngse luhn mukul tuhmwaclos nuh sin muhtwacn kiyaclos, luhngse luhn muhtwacn kiyaclos nuh sin mukul tuhmwaclos, ac luhngse ma kwewana puhlakihn nuh sin tuhlihñ nahtuhlos pa inmahsrlon srihpac ma mwet Lamanites ah tuh sie pacl ah suwohs liki mwet Nephites ah (liye Jacob 3:7).

Sie inkacnek wo in suli luhngse ac on in engan ke luhngse nuh in lohm sesr pa in sramsram kuhlwacng nuh sin mempucr ke sucu uh. Sramsram kuhlwacng use

Nguhn Muhtahl. Tahmtahel Linda K. Burton, prestuhn luhlahp luhn Rilif Sosaiti, siyuck sesr in nuhnkuh: “Fuhkah luhpan pacl kuht lohacng in ‘fahk kaks kuhlwacng nuh sin kais sie?’”³

Ma Suhmuhsrah Ituckyang Sahyac
Mwet Rome 12:10; Mosiah 4:15; Doctrine and Covenants 25:5

Sramsram Moul

Elder D. Todd Christofferson ke U Luhn Mwet Kuhlwacnsap Singucul Luo el akacsruhi ke moul in kapkapwack el puhlakihn ma ahkuhtweyac nuh sel ke yohk srihpaciyen sie sucu luhngselacna. Ke pacl se el ac tamuhlwel wiyac ah tuh srihk ah, ninac kiyaclos ah puhlakihn laslas ke cancer upac suc oruh arulacna ngal nuh sel in orekmakihn lacpoh lacyot lal uh. Ke sie sucu ke mukul, puhslac orekma ke in aen nuknuk, tuhsruhñ ke ninac kiyac aen nuknuk uh, el kwacna tui ac som nuh infuckihl uh in tuhng ne kena ngal uh srihkeni.

Ke pacl se pahpah tuhmwac Elder Christofferson akihlacnack

ma sikyak an, el lukmaci in tiac mongo infulwacn lwen apkuhnan in yac se in sef mani in molwe-lah insin se in oruh aen uh in fihsrwacsri. Sahyacn luhngse lal nuh sin muhtwacn kiyac an, el oraclah sie srihkacak ke tuhfahlah in sucu an nuh sin tuhlihñ mukul nahtuhl an. Ke woiyacn ataptapi se inge, Elder Christofferson el fahk, “Nga tiacna kahlwem ke kihsackuhnlah luhn pahpah tuhmuhk ah ac orekma ke luhngse nuh sin ninac kiyuck ke pacl se ingacn, tuhsruhñ ingena nga etuh, nga fahk nuh sihk sifacna, ‘Oasr sie mukul.’”⁴

MWE KAHSRUH

1. “Sucu: Sie Mwe Fahkwack nuh fin Facluh,” *Liahona*, Nohfuhmpuh 2010, 129.
2. Russell M. Nelson, “Salvation and Exaltation,” *Liahona*, Mei 2008, 8.
3. Linda K. Burton, “We’ll Ascend Together,” *Liahona*, Mei 2015, 31.
4. D. Todd Christofferson, “Let Us Be Men,” *Liahona*, Nohfuhmpuh 2006, 46.

Nuhnkuh Ma Inge

Luhngse ac karihngihn lasr nuh sin sie sin sie uh suli fuhkah Nguhn nuh in lohm sesr uh?